

先唐文

严可均

文硕阁

wenshuoge.com

目录

关于我们	3
先唐文全文	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

先唐文全文

◎ 胡安道

安道，爵里未详。（案《御览》列于朱超石之前，当是晋人。）

◇ 愁霖赋

冀连阴之时退，想云物之见微。（《文选·谢 在郡卧病呈沈尚书诗》注。）

◇ 黄甘赋

越魏郡之赤杏。（《御览》九百六十八。）

襄阴大橙，江阳大橘。（《御览》九百七十一。）

◎ 董子晓

子晓，爵里未详。（案：《御览》在晋李充後、宋颜延之前，当是东晋人。）

◇ 乘舆驳马赋

躯观若斯，气势云披。衔金镳，著玉羈。（《御览》三百五十八。）

◎ 朱彦时

彦时，爵里未详。（案：《初学记》编于晋刘谧之後、刘思真前，疑是晋人。）

◇ 黑儿赋

世有非常人，实惟彼玄士。稟兹至缟色，内外皆相似。卧如骊牛 展，立如乌牛 寺，忿如鸛鹄 喜。（《初学记》十九，《御览》三百八十二。）

◎ 刘思真

思真，爵里未详。（案：梁刘之遴，字思贞，未闻有丑妇。此作思真，非即之遴。）

◇ 丑妇赋

人皆得令室，我命独何咎。不遇姜任德，正值丑恶妇。才质陋且俭，姿容剧嫫母。鹿头 猴面，推额复出口。折安 厌楼鼻，两眼《幽页》如臼。（《艺文类聚》作「折类厌黑面，楼鼻两眼颐。」）肤如老桑皮，耳如侧两手。头如研米槌，发如掘埽帚。恶观丑仪容，不媚如铺首。暗钝拙梳髻，刻画又更丑。妆颊如狗舐，额上偏独厚。朱唇加踏血，画眉如鼠负。传粉堆颐下，面中不遍有。领如盐豉囊，袖如常拭釜。履中如和泥，爪甲长有垢。脚鞞可容箸，熟视令人呕。（《初学记》十九，《御览》三百八十二。）

◎ 吴氏

吴氏，失其名。

◇ 虎赋

盖其壮也，诞节缓腕，续背连骸，细腰鼓胸，方□大鼻，似黼组杂间，若锦绣相连。（《御览》八百九十二。）

◇ 七矜

春梧湘濡，于味东隅；秋 p 夏发，素虬连珠。（《书钞》一百四十八。）

◎ 臧彦

彦，字道颜。

◇ 牛赋

若乃豪宗威胤，公侯王后。乘轻御肥，貂蝉耀首。翟翟华貂，铄铄云母。良 孳擢足于双岛，名骏叠迹于左右。贵游踊跃于绝伦，观者嗤妍其好丑。遂慕骏 以相高，精彼奇选之希有。仪体既美，特资高足。名参飞兔，价齐骥 。（《艺文类聚》九十四引臧道颜《 牛赋》。）

乃有超群独出，骅毛文角，玷班凝白，鲜纤 曲。（《初学记》二十九引臧彦《牛赋》。）

殊相允备，名不虚假。伟质魁梧，骨奇形雅。竦若惊鹿， 若奔马。（《御览》八百九十九引臧彦《 牛赋》。）

◇ 吊驴文

夫徵祥契于有感，景行表于事迹。故铨才授任，必求之卓越；考能核用，亦存乎望实。以面貌定名，则称谓而B；声色位号，则由焉而授。爰有奇人，西州之驰驱者，体质强直，稟性沈雅，聪敏宽详，高音远易，真驴氏之名驹也。（《初学记》二十九引作臧道颜，《御览》九百一引作臧彦。）

◎ 宋韬

韬，爵里未详。

◇ 遗教

吾死，敛以时服，不得造新白衿单衣。（《御览》五百五十。）

◎ 卫歆

歆，爵里未详。

◇ 奏事

武皇帝之时，後宫食不重肉，衣不锦绣，茵席不缘，物无丹漆，用能平定天下，遗福子孙。（《御览》四百三十一。案武皇帝，盖魏武或晋武也。卫歆当是魏晋人，未能定之。）

◎ 王著

著，晋陵曲阿人。（案《吴志》有王著，附兄蕃传，庐江人，非即此。）

◇ 与杜康绝交书

王著，晋陵曲阿人，其笃好酒五年矣。（一作三年）康字仲宁，或曰黄帝时宰人也。始造酒，时人号曰酒泉太守。（《书钞》一百四十八引三条，又见《文选·魏武帝短歌行》注。）

◎ 孔珠

珠，爵里未详。

◇ 与王佐长史书

朝不著ひ囊，不知为可不。（《御览》六百九十一。）

◎ 王佐

佐为长史。

◇ 答孔珠书

寻此ひ囊，是内则施ひ之遗像。此为箴线之属，非朝服所宜著。（《御览》六百九十二。）

◎ 被徒元

被徒元，未详。

◇ 被徒元书

宜修田农，作园圃，织 纺绩，为坐作之本利，常令供养之物有兼副。（《御览》八百二十六引《被徒元书》，其为姓名、书名、篇题，皆不能知。）

◎ 王乐道

乐道，未详。

◇ 与穆四书

出师颂妙绝古语，借书一 ，还书一 。（梅鼎祚《梁文纪》引《唐韵》，古之借书盛酒瓶，名曰 。王乐道与穆四书云云，案《唐韵》今无传本，《广韵》六脂字注云酒器，大者一石，小者五斗。古之借书盛酒瓶，不引王乐道书，或梅氏尚见《唐韵》也。）

◎ 綦母氏

綦母氏失其名。（案晋惠帝时鲁褒隐姓名作《钱神论》曰：有司空公子顾见綦母先生，则綦母氏犹言无是公也。此文盖鲁褒已後人所作。）

◇ 钱神论

黄铜中方叩头对曰：仆自西方庚辛，分王诸国，处处皆有。长沙越雋，仆之所守。

黄金为父，白银为母。铅为长男，锡为少妇。天性刚坚，须火终始。体圆应乾，孔方效地。伊我初生，周末时也。景王尹世，大铸兹也。贪人见我，如痛得医。饥飧太牢，未之逾也。（《初学记》二十七，《御览》八百三十六。）

◎ 朱元微

元微，一作元徽。

◇ 火不热论

朱先生游于河洛之间，将舍逆旅，遇逆旅之火。有主人翁夷焉，先生褰裳下车，环而窥之，则喘喘然死矣。先生曰：嘻！火之盛物，一至此哉！弟子孔琨进曰：异乎先生之谈也。夫火之热，在群形则焚燎销铄，在肌肤则灼烂湮灭，奚言物之盛矣？（《初学记》二十五。）

◎ 柴子大

子大，爵里未详。

◇ 七折

兰包馥郁，粉以五香。（《北堂书钞》一百三十五。）

下莞上簟，华镂之床。（《御览》七百六。）

锦衾内设，罗帟帟张。（《御览》六百九十九。）

◎ 卫洪

洪，爵里未详。（案《御览》列于桓麟後，皇象缪袭前，疑汉人。）

◇ 七开

馨羹芬 霍，凝色生华。（《御览》八百六十一。）

◎ 孔炜

炜，一作伟，爵里未详。

◇七引

龙肋之肪，凤趾之筋。髓鹿肠，鹄舌麟引。秋熊柔蹯，□雉□□。（《书钞》一百四十二。）

伊尹奏饌术，易牙调甘辛。诡齐殊离，越俗通神。（同上。）

足走切，龙刀电舒。随浮脰鲜，附驰割腴。（《书钞》一百四十五。）

芳亢周乡胡，缥炬出身。甜和方颊，绝域累臻。（《书钞》一百四十二。）

拭粉游红，熨黛扬蛾。（《书钞》一百三十五。）

长袖随腕而遗耀，紫镊承鬓而聘辉。（《书钞》一百三十六，《御览》七百十八。）

弄幻之时，因时而作。殒瓜种菜，立起寻尺。投芳送臭，卖黄售白。摩天兴云露，画地成江海。（《御览》七百三十七引孔伟七引。）

◎夏侯阳

阳，爵里未详，赵宋封平陆男。（《宋史·礼志》载《算学礼典》，案戴东原改为晋人。）

◇算经序

夫博通九经，为儒门之首；学该六艺，为伎术之宗。若非材性通明，孰能与于此也？然算数起自伏羲，而黄帝定三数为十等，隶首因以著九章。逮乎有虞，乃同律度量衡。孔子曰：谨权量，审法度。汉备五数，纪于一，协于十，长于百，大于千，衍于万。度长短者，不失豪毫厘；量多少者，不失圭撮；权轻重者，不失黍累。五曹孙子，述作滋多；甄鸾刘徽，为之详释。稽之往古，妙绝其能。储校今时，少有闻见。余以总角，志好其文。略寻古今，备览差互。其如明数造术，诂晓端倪。寻改遗言，颇知梗概。且计课租庸调，无术可凭，步数奇残，若为销尽，永变米谷。经旨未贍，正耗共升，何由剖析？三分、五分取一，法理为明焉。况今令式，与古数不同，奚能则定？代相沿革，互议短长，经术尤深，难可意测。是以跋涉川陆，参会宗流，纂定研精，刊繁就省，祛荡疑惑，括诸古法，烛尽毫芒。谨录异同，列之于左。

◎张丘建

丘建，清河人，赵宋封信成男。（《宋史·礼志》载《算学祀典》。）

◇算经序

夫学算者，不患乘除之为难。而患通分之为难。是以序列诸分之本元，宣明约通之要法，上实有馀为分子，下法从而为分母，可约者约以命之，不可约者因以名之。凡约法，高者下之，耦者半之，奇者商之，副置其子及其母，以少减多，求等数而用之。若乃其通分之法，先以其母乘其全，然後内子母不同者，母互乘，子母亦相乘。为一母，诸子共之，约之通分而母入者，出之则定。其夏侯阳之方仓，孙子之荡杯，此等之术，皆未得其妙，故更造新术，推尽其理，附之于此。余为後生好学，有无由以至者，故举其大概，而为之法。不复烦重，庶其易晓云耳。清河张丘建谨序。

◎冯植

植，爵里未详

◇竹杖铭

杖必取材，不必用味。相必取贤，不必所爱。都蔗虽甘，犹不可杖。佞人悦已，亦不可相。（《御览》九百七十四。案《书钞》一百三十三引崔瑗《杖铭》，《艺文类聚》六十九引刘向《杖铭》，并同冯植。不见于传记，疑有误。）

◇萧翊

翊，爵里未详。

◇天目山碑铭

於维天目，信不高矣。到岳霞上，标峰雾里。（《糊录金石考》四，《吴兴艺文补》云：此铭载谈志，不详何代人。味其语，当是六朝手。）

◎壶居士

壶居士未详，或云即壶公。

◇食忌

苦茶久食羽化，与韭同食，令人身重。（《御览》八百六十七。）

◎列女

◎汲太子妻李氏

李氏，未详。

◇与夫书

并致纳一端。（《御览》八百十九。）

◎阙名

◇书仪

六月三伏日，昔贾谊在湘南。六月三庚日，有伏鸟来。时以南方毒恶，以助太阳销铄，万物故损。人因避之。（《御览》三十一。）

◇杂帖

既移屋近西墙，微援里地成大宽。援里起小三架，如步廊。政可一丈梁，得使二家通出入，作门合也。此屋之东，故应作墙。宜步廊一壁太单，空园中弥宜移三间，故当不甚难。重复粗画图如别耳。（淳化阁帖五。）

足下既有意适间旷，亦当恶暑邪？游瞩疏数慰对古今少吾今年病垂耳。一始小瘥，大小会始病，昏忽移日耳。每每深望远言，慰尚赊，慨然。玄过□之（姜作玄日具问可与）音介勿勿书复。既与直人理略绝，何缘复有周旋理？长史断阔亦不憾卿，唯公事时相瞻望耳。吾面信遂至今不著，不可解。计至故应必有香，但不知好恶云何耳。须得。（《淳化阁帖》五。）

◇三辅黄图序

《易》曰：上古穴居而野处，後世圣人，易之以宫室，上栋下宇，以待风雨，盖取诸《大壮》。三代盛时，未闻宫室过制。秦穆公居西秦，以境地多良材，始大宫观。戎使田余适秦，穆公示以宫观，由余曰：使鬼为之，则劳神矣；使人为之，则古人矣。是则穆公时，秦之宫室已壮大矣。惠文王初都咸阳，取岐、雍巨材，新作宫室，南临渭，北逾泾，至于离宫三百，复起阿房，未成而亡。始皇并灭六国，凭藉富强，益为侨侈，殫天下材力，以事营缮。项羽入关，烧宫阙，三月火不灭。汉高祖有天下，始都长安，实曰西京，欲其子孙长安都于此也。至孝武皇帝，承文、景匪薄之余，恃邦国阜繁之资，土木之役，倍秦越旧，斤斧之声，畚插之劳，岁月不

息，盖骋其邪心，以夸天下也。昔孔子作《春秋》，筑一台，新一门，必书于经，谨其废农时，夺民力也。今褒采秦汉以来宫殿、门阙、楼观、池苑在关辅者，著于篇，曰《三辅黄图》云。东都不与焉。

◇ 玉匮针经序

吕博少以医术知名，善诊脉论疾，多所著述。吴赤乌二年，为太医令。撰《玉匮针经》，及注《八十一难经》，大行于代。（《御览》七百二十四。）

◇ 千金序

沙门支法存，岭表人。性敦方药。自永嘉南渡，士大夫不袭水土，多患脚弱，惟法存能拯济之。（《御览》七百二十四。）

仰道人，岭表僧也。虽以聪慧入道，长以医术开怀。因晋朝南移，衣纓士族，不袭水土，皆患软脚之疾，染者无不毙蹠，而此僧独能疗之，天下知名焉。（同上。）

僧深，齐、宋间道人，善疗脚弱气之疾，撰录法存等诸家医方三十馀卷。经用多效，时人号曰深师方焉。（同上。）

◇ 弹棋经序

弹棋者，仙家之戏也。昔汉武帝平西域，得胡人善蹴リ者，盖其便捷跳跃，帝好而为之，群臣不能谏。侍臣东方朔因以此艺进之，帝就舍蹴リ而上弹棋焉。习之者多在宫禁中，故时人莫得而传。至王莽末，赤眉凌乱，西京倾覆，此艺因宫人所传，故散落人间。及章帝御宇，好诸技艺，此戏乃盛于当时。（《御览》七百五十五。）

◇ 弹棋经後序

自後汉冲质已後，此艺中绝。至献帝建安中，曹公执政，□闌幽密，至于博奕之具，皆不得妄置宫中。宫人因以金钗玉梳，戏于妆奁之上，即取类于弹棋也。及魏文帝受禅，宫人所维更习弹棋焉。当时朝臣名士，无不争能。故帝与吴季重书曰：弹棋，闲设者也。（同上。）

弹棋者，雅戏也。非事乎千百擲之数，不游乎纷竞底欺之间，淡薄自如，故趋名近利之人，多不尚焉。盖道家所为，欲习其偃亚导引之法，击搏腾掷之妙，以自易耳。（同上。案《御览》此下尚有又曰一条，言唐顺宗及长庆之末事。疑後序为唐文，今姑录之，俟改。）

◇四十二章经序

昔汉孝明皇帝夜梦见神人，身体有金色，顶有日光，飞在殿前，意中欣然，甚悦之。明日问群臣，此为何神也？有通人傅毅曰：臣闻天竺有得道者，号曰佛，轻举能飞，殆将其神也。于是上悟，即遣使者张骞、羽林中郎将秦景、博士弟子王遵等十二人至大月支国，写取佛经四十二章，在十四石函中，登起立塔寺。于是道法流布，处处修立佛寺。远人伏化，愿为臣妾者，不可称数，国内清宁，含识之类，蒙恩受赖，于今不绝也。（《释藏》迹六。）

◇列仙传序

《列仙传》，汉光禄大夫刘向所撰也。初，武帝好方士。淮南王安亦招宾客，有枕中鸿宝之书，先是安谋叛伏诛。向父德，为武帝治淮南狱，得其书，向幼而读之，以为奇。及宣帝即位，修武帝故事，向与王褒等，以通博有俊才，进侍左右。向又见淮南铸金之术，上言黄金可成。上使向与典尚方铸金，费多不验，下吏当死，兄阳成侯安民乞人国户刘赎向罪，上亦奇其材，得减死论，诏为黄门侍郎，讲五经于石渠。至成帝时，向既司典籍，见上颇修神仙事，遂修上古以来及三代秦汉，博采诸家言神仙事。（《御览》六百七十二。）

◇灵宝五符序

北方有夜光玉女，服灵林之翠罗，驾鹿輶于天河，获二仪而轻□，保群命于永和。（《北堂书钞》一百四十。）

◇会稽先贤像赞（《隋志》有五卷无名氏）

綦母文後为交 刺史，诏赐高山冠。（《御览》六百八十五。）

◇谷城门石人腹铭

摩兜 ，摩兜 ，慎莫言。（《艺文类聚》六十三引盛弘之《荆州记》，谷城谷伯绥之国，城门有石人焉，刊其腹云云，疑此亦周太庙金人缄□铭背之流也。）

◇大兴善寺钟铭序

皇帝道叶金轮，示居黄屋，覆煮万方，舟航三界，欲使云和之乐，共法鼓而同宣，《雅》、《颂》之声，随梵音而俱远。乃命皐氏，范兹金锡，响合风雷，功侔造化。腾骧猛虞，负 业而将飞，宛转盘龙，绕乘风而如动，希声旦发， 建槌夕震，莫不倾耳以证无生，入神而登正觉。圆海有竭，福祚无穷；方石易销，愿力无尽。

（《广弘明集》二十八上。）

◇ 玉清刻石隐铭

佩玉帝隐文者，得为上仙。（《御览》六百六十一。）

◇ 宋华元墓石铭

睢阳土地高，竹木可为壕。若也不回避，奉赠二金刀。（《开河记》。）

◇ 上虞县东南冢碑文

居在本土厥姓黄，十葬于此大富强。易卦吉，龟卦凶。（《御览》五百六十引《会稽郡十城地志》，上虞县东南，有冢二十馀，宋元嘉之初，湖水坏其大冢，初坏一冢砖题文云。）

◎ 释氏

◎ 胜光王

◇ 白僧众书

今有少缘，欲见圣众。（《根本说一切有部昆柰耶》。）

◎ 胜音城仙道王

◇ 与影胜王书

敬览来信，并受国珍。未面相亲，深惭远意。彼有须者，我当为办。（同上）

◇ 送影胜王宝甲书

今赠宝甲，五德圆备。若念我者，幸当自著。希招远意，勿惠余人。（同上）

◇ 报影胜王请 刍尼书

我赖仁恩，知有三宝。悟缘生理，得见真谛。苦海沦溺，彼岸可期。拔足淤泥，欢庆何极！然我欲得亲见 刍，为作方便。令来至此。（同上。）

宫内女人，乐欲闻法。颇有方便，得令 刍尼来不？（同上。）

◎ 摩羯陀国影胜王

◇ 以世尊像送仙道王书

虽未相见，使至览书。蒙赠宝甲，世所希有。今画世尊形像，三界最尊合使持将，冀申供养。既至彼已，可去王城，有两驿半，平治道路，严饰城隍，躬领四兵，幘幡华盖，于广博处，张设尊仪，殷勤供养，获大福德。（同上。）

◇ 又报仙道王书

承悟缘生，得豫流果。复于 刍，乐欲相见。佛令五百 刍，远赴祈请。仁可殷勤，同大师想。去城两驿半许，修治道路，严设香滑治整四兵，自来迎接。又于城内间寂之处，造一大寺，营五百房，床榻卧具，无令阙乏，饮食所须，悉皆豫办。若作如是供养事者，获福无量。（同上。）

◎ 十闪毗国说忧事人

◇ 诈白邬陀延王书

我是某国大王，惟有一子，被死将去。我今求死来至此国，欲以象马，乃至金宝，将赎子命。芳允者善；若不得者，我当共战。愿王助我！（同上。）

◎ け逝尼城猛光王

◇ 与频婆娑罗王书

白影胜王，可令侍缚迦大医，暂来相见，欲有所疗，幸不见违。若不来者，当须多贮草谷，兵众相迎。（《根本说一切有部昆那邪杂事》。）

◇ 报得叉尸罗国圆胜王书

知识既解来封，笃好情深。事虽实然，能无犹豫？两国同聚，各致狐疑。虽逆来心，我无遑出。然此太子，名曰牛护，是我所生，令出相见，共申欢意，随情去留。（同上。）

◎ 飞鸟

◇与医王侍缚迦书

仁是医王，合得重赏，何故逃走？信至可来，受王赏赐。（同上。）

◎侍缚迦

◇报飞鸟书

我籍皇恩，珍财靡阙。王若于我生欢嘉者，诸所赐物，并回与彼侍医童子。（同上。）

◎け逝尼城长者

◇与妻书

汝可安隐，我望不久，当至本乡。（同上。）

◎得叉尸罗圆胜王

◇与け逝尼国猛光王书

知识事已去者，更不可追。宜暂出来，希欲相见。自馀胜负，并不须论。望得促膝交襟，共申莫逆。事同平昔，我方归故。（同上。）

◇な提醯国臣大药

◇与毗舍佉去书

四橛可成衣，少一不能织。如其 弋吸阙，械足可令轮。（《根本说一切有部毗奈耶杂事》。）

◎半遮罗国王

◇与女妙药书

我怀忧闷，汝岂不知？可细寻求，谁传此事。食和毒药，欲害彼王。（同上）

◇复报妙药书

通此消息，皆由鸚鵡。察知事已，往还相报。遂致纷披，丧乱家国。彼之鸚鵡，可缚将来。（同上。）

◇ 又与妙药书

由北鸚鵡，烧我宫室。必须牢缚，急送将来。（同上。）

◎ 健陀罗国药叉半遮罗

◇ 与王舍城娑多药叉书

闻君生女，情甚欢悦。今送衣服，愿垂纳受。（同上。）

◇ 报娑多药叉书

许作交亲，今皆遂愿。各待成立，共作婚姻。（同上。）

◎ 娑多药叉

◇ 与半遮罗书

闻君诞子，庆喜交怀。聊寄衣纓，用申欣贺。幸当为受，冀表不空。（同上。）

◎ 欢喜弟

◇ 与半遮罗书

我姊欢喜，年既长成，宜可为亲，当速来此。（同上。）

◎ 舍卫国大臣

◇ 报宝德长者书

王及王子，二俱不来。汝等须作计议，拥塞 伽，令水却泄，无令一滴顺河而过。（《根本说一切有部昆奈邪破僧事》。）

◇ 瞻波城诸人

◇ 报舍卫国宰相书

王频附书，敕云王来，复言子来，复令拥塞 伽却流。读此书已，又得报云：王与王子，俱亦不来。王欲见宝德之子，汝等速当遣来。是要。（同上。）

◎ 中印度秣菟罗国王

◇ 秣菟天赐灵书

夫生死无涯，流转无极，含灵沦溺，莫由自济，我以奇谋，令离诸苦。今此王城，周二百里，古先帝世，福利之地。岁月极远，铭记湮灭。生灵不悟，遂宛苦海。溺而不救，夫何谓欤？汝诸含识，临敌兵死。得生人中，多杀无辜。受天福乐，顺孙孝子，扶侍亲老，经游此地，获福无穷。切少福多，如何失利？一丧人身，三途冥漠。是故含生，各务修业。（唐释玄奘《大唐西域记》，引《西土先志》。昔五印度国二王分治，欲决兵战，有梵志造作灵书，王托梦天赐，求得诸山林之下。于是人皆兵战，视死如归。）

◎ 迦涇弥罗国众贤论师

◇ 谢世亲书

如来寂灭，弟子部执。传其宗学，各擅专门。党同道，疾异部。愚以寡昧，猥承传习。览所制阿毗达磨俱舍论破毗婆沙师大义，辄不量力，沈究弥年，作为此论，扶正宗学。智小谋大，死其将至。菩萨宣 易微言，抑扬至理，不毁所执，得存遗文，斯为幸矣，死何悔哉！（《西域记》引《西土先志》。）

◎ 毗末罗蜜多罗论师

◇ 临终裁书

夫大乘教者，佛法之中究竟说也。名味冥绝，理致幽玄，轻以愚昧，驳斥先进，业报皎然，灭身宜矣。敢告学人，厥鉴斯在，各慎尔志，无得怀疑。（《西域记》引《先志》，毗末罗蜜多罗唐言无垢，友迦涇弥罗国人也。制论令诸学人，绝大乘称，灭世亲名语，已心乱血流。知命必终，裁书自悔。）

◎ 南印度德慧菩萨

◇ 与摩揭陀国摩沓婆书

敬问摩沓婆，善安乐也。宜忘劳弊，积习旧学。三年之後，携汝嘉声。（同上。）

◇ 重裁书

年期已极，学术何如？吾今至矣，汝宜知之。（同上。）

◎ 僧伽罗国王

◇ 下令讨罗刹

吾先商侣，在罗刹国，死生莫测，善恶不分。今将救难，宜整兵甲。拯危恤患，国之福也；收珍藏宝，国之利也。（同上。）

◎ 瞿萨旦那国大臣

◇ 旃檀鼓函书

大王不遗细微，谬参神选。愿多营福，僧国滋臣。以此大鼓，悬城东南。若有寇至，鼓先声振，河水遂流。（同上。）

◎ 阙名

◇ 摩揭陀国无忧王石柱记

无忧王信根贞固，三以瞻部洲施佛法僧，三以诸珍宝重自酬赎。（同上，摩揭陀国佛迹精舍侧有大石，柱书记。）

◇ 又摩诃菩提僧迦蓝铜记

夫周□□私诸佛至教，惠济有缘，先圣明训。今我小子，丕承王业，式建迦蓝，用旌圣迹。福资祖考，惠被黎元。唯我国僧，而得自在。及有国人，亦同僧例。传之後嗣，永永无穷。（同上。摩揭陀国菩提树北门外摩诃菩提僧迦蓝，其先僧迦罗国王之所建也。刻铜为记云。）

◎ 跋

右严铁桥先生辑《上古三代秦汉六朝文》七百四十七卷。先生著述数十种，卓然精诣，惟是编旧未刊行。始惠阅俞氏《癸巳存稿》，心识其 。嗣蒋氏目录出，终以未窥全帙为憾。用是留心购求，最後得稿本於沪上。适南皮张制军督粤，暇进是编，亟赏之。方伯王公前掌鹾宪，力任刻资，畀惠经理，惠时充广雅书局提调。鸠工伊始，顾屡移外任去，兼乏经费，坐是废置者数年。迨今年春，由方伯致书英续村

都转，垫款命惠踵成。未几，复莅潮州。赖王雪澄、子展两太守及廖太史、陶孝廉诸君子力，始克蒇事。自是先生之学，日孤行天壤间。而方伯龟勉好古之盛心，亦足并传不朽。不独惠私心窃喜，夙昔访求之愿，至是不虚也。或且谓是书出，寻当陆续补遗，乌知先生之贯穿群籍？又获亲窥中秘，以致其参互考订之功。矜链岁时，一编甫就。岂侈撰述，为名高者所得颉颃万一哉？虽可家纪载，岐互错出，誊写後黏签累累，间或未尽画一，综其大凡，不可得而议矣。行见承学之士，日手是编，不事旁搜博采。而数千年鸿篇钜制，遗文只字，星罗棋布，一举靡遗。如入山渊，恣人渔猎，其获益当复何如也！刻既竣，因僭述缘起於简末。

时光绪癸巳季冬巴陵方功惠谨跋

羊城西湖街富文斋承刊